



Asasakka tamassi,

Pisut ilungersunartut arlallit, ingerlatseqatigiiffiup iluani naatsorsuutitut tunngasuni kukkunernut tunngassuteqartut kiisalu inunnet suliasat assigiinnigisut ingerlatseqatigiiffimmut taassumalu sulisuinut sunniteqarnerlussimasut, ingerlatseqatigiiffiup ukioq naatsorsuusiorfiata ingerlanerani Naalakkersuisut paasitneqarput. Naalakkersuisut tamanna ilungersunartorujussuutut isigaat aammalu naatsorsuutigalugu pissutsit pitsaasumik ingerlaqqilernissaannut aammalu sulisumik sullivimmi avatangiisaasa peqqinnartuunissaasa isumannaatsuunissaasalu qulakkeernissaa ingerlatseqatigiiffiup aqutsisuisa sapinngisartik tamaat ilungersuutigissagaat.

Tassunga atatillugu whistleblowerit, naapertuutinngitsumik pisut taakkua oqaatiginarlugit saqqummernissamut sapiissuseqarsimasut qutsavigerusuppakka, tamannami ingerlatseqatigiiffiup pissutsinik pisunillu akuersaarneqarsinnaanngitsunik taakkuninnga unitsitsisinnaasimaneranut iluaqutaavoq. Kissaatigaara pissutsit taakkua aammalu ingerlalluurtumik whistleblowerimut aqqissuussisimanerup, pissutsinik akuersaarneqarsinnaanngitsunik, nalinginnaasumik qullersamut apuunneqarsinnaanngitsunik iliuuseqarfiginnissinnaasup pingaaruteqarnera, Kalaallit Nunaanni ingerlatseqatigiiffiit ilinniarfigissagaat.

Inuiaat kalaallit pillugit pilersinneqarassi taakkualu piginnittuummata, kiisalu piginnittup soqutigisai isumagisarisussaagassigit aammalu suliasaqarfimmut politikkikkut inissisimaneq, ingerlatseqatigiiffiit ataasiakkaat pilersinneqarfia, immersortussaagassiuk, ataatsimeersuarnermi matumani Naalakkersuisut ingerlatseqatigiiffimmut eqqaasitsissutigerusuppaat. KNI A/S-ip nunatsinni sumiiffippassuarni pilersuinerup isumannaatsuunissaa isumagisussaavaa aammalu ullut tamaasa innuttaasut sullinnissaat pingaaruteqartoq suliasaralugu. Tassunga atatillugu, ingerlatseqatigiiffiup iluarsiteqqinnissaa aammalu aningaasartuutissat nalaatsinerlunnermi pisunut ingerlatseqatigiiffiup inissisimaffiligaanut atasut, atuisartunit MATUSSUSERNEQASSANNGIMMATA Naalakkersuisut erseqqissarusuppaat. Ingerlatseqatigiiffiup maannakkut inissisimanerata

07-10-2021  
Suliassaq nr. 2021-268  
Dok. nr. 16821801

Postboks 1015  
3900 Nuuk  
Tlf. (+299) 34 50 00  
Fax (+299) 32 50 02  
E-mail: govsec@nanoq.gl  
www.naalakkersuisut.gl

malitsigisaanik akit qaffannerinit imaluunniit aningaasartuutit qaffannerannit atuisartut eqqorneqannginnissaat Naalakkersuisut pingaartippaat.

Tassunga atatillugu erseqqissarusuppara, ilissi ingerlatseqatigiiffittut ingerlanneqarluarnissarsi patajaatsuunissarsilu, kisianni aamma isumatusaassasusi, Naalakkersuisut piginnittut sinnerlugit kissaatigimmassuk, tassami eqqaamassavarsi amerlanersasi pingaartumik nammineq piginnittussinniit – inuiannit kalaallinit - aningaasarsiortuummata.

Taamaattumik aktiaatileqatigiiffiit Namminersorlutik Oqartussanit pigineqartut inuiaqatigiinnut tunniussaqaartarnerat ingerlaannassasoq, Naalakkersuisut ersarissumik piumasaaqatigaa,. Ingerlatseqatigiiffiit ataasiakkaat qanoq inuiaqatigiinnut kalaallinit tunniussaqaartarnerminnik pitsanngorsaasinnaanerat, Naalakkersuisut tungaanniit siunissami ukkatarineqassaaq.

\*\*\*\*

Ukiumoortumik naatsorsuutit kingusinaartumik tunniunneqarneranni Naalakkersuisut paasivaat ukioq naatsorsuusiortuusoq 2020 KNI A/S-imut annertoorujussuarmik anigorniagassartaqarsimasoq. Maannakkut inerniliisoqarsinnaavoq, ingerlatseqatigiiffiup aningaasaqarnermik aqutsinerani naatsorsuutit kukkuneqarlutik siusinnerusukkut naapertuutinngitsumik pisimasut, ingerlatseqatigiiffik akuersaarneqarsinnaanngitsumik inissisimalersissimagaat, tamannalu ingerlatseqatigiiffimmut kisitsisinut pingaarnernut sunniuteqarnerlussimavoq. Ingerlatseqatigiiffiit Namminersorlutik Oqartussanit pigineqartut ullumikkut ineriartornermi Kalaallit Nunaata aqquusaagassaani pingaarutilerujussuarmik inissisimapput, taamaattumik siunissami tamatumunnga assingusumik pisoqarnissaa akuerisinnaanngilarput akuerisussaaganagulu. Naalakkersuisuniit taamaalilluta suliassat taakkua piaartumik naammassineqarnissaat takorusupparput, taamaalilluni KNI A/S aallutassaminik aalluseqqissinnaalissalluni, tassalu piginnittut – inuiaat kalaallit - sullinnissaat. Pingaartumik maannakkut pisut ingerlatseqatigiiffiup isorliunerusuni sullissineranut sunniuteqannginnissaasa imaluunniit allatut taakkununga tutsinneqalinnnginnissaasa pingaaruteqarnera, ingerlatseqatigiiffiup aqutsisinut oqaatigerusuppara, tassami suliassaqarfiit taakkua ingerlatseqatigiiffiup ingerlanneqaannarnissaanik sullissiinnarnissaanillu pinngitsuuisinnaanngimmata.

\*\*\*\*

Ingerlatseqatigiiffiit ammasuunissaq sulissutigissagaat aammalu siunnerfilimmik CSR (corporate social responsibility), piujuartitsinissaq aammalu qanoq inuiaqatigiinnut tunniussaqaarsinnaanerlutik aallutissagaat, Naalakkersuisut sulinerminni taamatuttaaq pingaartippaat.

Ingerlatseqatigiiffiup CSR-mi suliniutissani saqqummiutissagai kaammattorusuppara, taamaalilluni taakkua ingerlatseqatigiiffiup nittartagaani tamanut saqqummiunneqarsinnaallutik aammalu ingerlatseqatigiiffik qanoq inuiaqatigiinnut tunniussaqaqarnersoq tamanit takuneqarsinnaalluni.

Naalackersuisut anguniagaqarumatuujupput, aammalu inuiannut kalaallinut siunissamik qulakkeerisumik piujuartussamillu toqqammavissaliinissaq sulissutigaarput. Kalaallit Nunaanni innuttaasunut taamatut tunngavissaqalersitsinissaq pisortat kisimik kivissinnaanngilaat. Taamaattumik neriuutigaara ilissi ingerlatseqatigiiffiit aqutsisui siuttuussasusi, aammalu periarfissat taakkua atornissaat pingaartissagissi, aammalu ingerlatseqatigiiffiit tunniussinissaa pingaaruteqartoq qulakkiissagissi.

Ingerlatseqatigiiffiit tunniussaqaqarnissaanut Naalackersuisut kissaateqarneranni neriuulluarnartumik erseqqissarneqassaaq, ingerlatseqatigiiffiit qanoq inuusuttunik kalaallinik pikkorissunik amerlanerusunik sulisussarsiniartarnissaq suli sulissutigigaat. Ingerlatseqatigiiffiit najukkamiititsinissamik aallussinissaat kiisalu sulisussarsiniartarnerup sapinngisamik pitsaanerpaamik najukkami pisarnissaata pingaartinneqarnissaa, pingaaruteqarpoq. Aammalu ingerlatseqatigiiffiit ilinniartitaanermi aammalu suliassaqaqarfimmik iluanni piginnaasaqaqarnerulersitsiniarnermik aallussilluarnerat, taamatuttaaq maluginiarneqarpoq.

Kisianni pitsaanerulaartissinnaanngilarput? Naalackersuisut taamatut isumaqarput, taamaattumillu sulisussat nunaqavissut sulisorineqarnissaannut annertunerusumik suliniuteqarnissarsi piumasaraarput, aamma aqutsisutut atorfinni kiisalu pisut pissutigalugit sipaaruteqartariaqarussi imaluunniit soraarsitsisariaqarussi, nunaqavissut siullertut eqqorneqannginnissaat.

Naalackersuisut oqaatigineqareersutut inuiaat kalaallit ingerlatseqatigiiffiutaasa qanoq inuiaqatigiinnut tunniussaqaqarnerminnik pitsanngorsaasinnaanersut, siunissami aallunneruniarpaat, taamaattumillu naalackersuinnermut attuumassuteqannginnermut tunngavisoq ataqqillugu, kisianni ingerlatseqatigiiffiit piginnittut soqutigisai aallaavigalugit sulinerat eqqumaffigilluinnarlugu, eqeersimaartumik piginnittuinnermut politikkikkut anguniagaqarniarput.

Taamatut oqaaseqarlunga ingerlatseqatigiiffiup siulersuisui, pisortai sulisuilu ukiuni aggersuni sulilluarnissaannik kissaappakka.

Qujanaq!